

**ARTIGO 5º.—PROCEDIMENTO DE COBRO:**

1.—A obriga do pago nace desde a data de alta efectiva do usuario como beneficiario do Servicio Municipal de Axuda no Fogar.

2.—O pago realizarase por meses vencidos, dentro dos 5 primeiros días do mes seguinte.

**ARTIGO 6º.—VIXENCIA DO PREZO PUBLICO E DOS LIMITES DE ACUMULACIÓN DE RECURSOS:**

1.—O prezo da hora de prestación do Servicio será modificado anualmente, si procede, en función das modificacións que sufra o custo real do mermo.

2.—Os límites de acumulación de recursos serán revixados anualmente, equiparándose as Pensións Mínimas de Xubilación da Seguridade Social (unha persoa) e ó 50% do S.M.I. vixente (unidade de convivencia) segundo o caso.

**DISPOSICIÓN FINAL**

O presente Acordo de fixación do prezo Público entrará en Vigor a partir da súa publicación no Boletín Oficial da Provincia, e comezará a aplicarse a partir do día seguinte ó da súa entrada en vigor, permanecendo en vigor ata a súa modificación ou derrogación expresa.

De acordo co establecido no artigo 52.1 da lei 7/1.985, do 2 de abril, Reguladora das Bases de Réxime Local, contra o presente acordo os interesados poderán interpoñer recurso contencioso - administrativo na forma e prazos establecidos na lei reguladora da citada xurisdicción."

Cangas, 15 de decembro do 2003.—O Alcalde,  
José Enrique Sotelo Villar. 9917

**A N U N C I O**

O Concello en Pleno en sesión de data 17 de Outubro de 2003, aprobou inicialmente a Ordenanza Reguladora da Tenza de Animais Potencialmente perigosos e do censo municipal de todo tipo de cans, e someteuno a información pública por 30 días hábiles, mediante anuncio insertado no Boletín Oficial da provincia de data 4 de novembro do 2003. Igualmente, someteuse a información pública mediante anuncio que foi exposto no taboleiro de anuncio do Concello durante 30 días hábiles. Non habendose presentado reclamación, nin alegación algunha, no prazo de información pública, elevase a definitiva dita ordenanza cuio texto transcribese de seguido:

**ORDENANZA REGULADORA DA TENZA DE ANIMAIS POTENCIALMENTE PERIGOSOS E DO CENSO MUNICIPAL DE TODO TIPO DE CANS****EXPOSICIÓN DE MOTIVOS**

A Lei 50/1999, do 23 de decembro, sobre o réxime xurídico da tenza de animais potencialmente perigosos, dictada ó amparo do artigo 149.1.29 da Constitución Española, que atribue ó Estado a competencia exclusiva en materia de seguridade pública, asigna no artigo 3 ós concellos a competencia para conceder a licenza administrativa que habilite para a tenza de animais potencialmente perigosos. Ademais, no seu artigo 6, establece que en cada concello existirá un rexistro de animais potencialmente perigosos.

A Lei 1/1993, do 13 de abril, de protección de animais domésticos e salvaxes en catividade impón, no seu artigo

11, ós concellos a obriga de recollida dos animais abandonados, e o Decreto 153/1998, do 2 de abril, polo que se desenvolve a Lei 1/1993, do 13 de abril, no seu artigo 27, obriga a censar a nivel municipal a tódolos animais da especie canina, así como outros que regulamentariamente se determinen.

Ó amparo do artigo 3.2 da Lei 50/1999, do 23 de decembro, a Xunta de Galicia aproba o Decreto 90/2002, do 28 de febreiro, polo que se regula a tenza de animais potencialmente perigosos na Comunidade Autónoma de Galicia e se crean os Rexistros Galegos de Identificación de Animais de Compañía e Potencialmente Perigosos e de Adestradores Caninos. Asemade regulase o censo municipal de todo tipo de cans onde teñen que estar inscritos tódolos cans con independencia da súa raza, de conformidade co disposto no artigo 27 do Decreto 153/1998.

En consecuencia, de conformidade coas disposicións citadas, e ó amparo da Lei 7/1985, do 2 de abril, reguladora das Bases do Réxime Local, da Lei 5/1997, do 22 de xuño, de Administración Local de Galicia, a Corporación aprobou esta Ordenanza:

**CAPÍTULO I.—DISPOSICIÓNS XERAIS****Artigo 1º.—Obxecto**

1.—A presente Ordenanza ten por obxecto a regulación da concesión e renovación das licencias administrativas para tenza de animais potencialmente perigosos, a regulación do rexistro municipal de animais potencialmente perigosos.

2.—Asemade, crease a Sección Local do Rexistro Galego de Identificación de Animais de Compañía e Potencialmente Perigosos (REGIAC), que conterà a información referente ós animais de compañía residentes no concello, que se remita desde o REGIAC. Taméns se crea o censo municipal de todo tipo de cans onde teñen que estar inscritos tódolos cans, aínda que sexan potencialmente perigosos.

3.—Quedan excluídos da aplicación da presente Ordenanza os cans e animais pertencentes ás Forzas Armadas, Forzas e Corpos de Seguridade do Estado, Corpos da Policía das Comunidades Autónomas, Policía Local e empresas de Seguridade con autorización oficial.

**Artigo 2º.—Definición de Animal Potencialmente Perigoso**

1.—Considéranse animais potencialmente perigosos, no ámbito territorial da Comunidade Autónoma de Galicia, todos aqueles que pertencendo á fauna autóctona ou alóctona, independentemente da súa condición, natureza, especie ou raza á que pertencen, e convivindo no contorno humano como animais domésticos ou de compañía, sexan susceptibles de ocasionala morte, ou lesións ás persoas ou a outros animais, ou de producir danos de certa entidade ás cousas.

2.—No caso concreto dos cans, entenderase por potencialmente perigosos aqueles nos que concorran calquera das condicións seguintes:

- Cans que tiveran algún episodio de agresións a persoas ou ataques de certa entidade a animais ou ás cousas.
- Cans que foran adestrados para a garda e defensa.
- Cans que polas súas características raciais poidesen ser aptos para o adestramento para garda e defensa, e en concreto, os pertencentes ás razas seguintes: American Stafforshire Terrier, Pit Bull Terrier, Bullmastif, Doberman, Dogo Arxentino, Dogo de Bordeos, Dogo do Tíbet, Fila Brasileiro,

Mastín Napolitano, Presa Canario, Presa Mallorquín (Ca de Bou), Rottweiler, Staffordshire Bull Terrier, Tosa Inu e Akita Inu. Tamén serán considerados neste apartado os cruces en primeira xeración destes, cruces destas razas entre si ou cruces destes con outras razas, obtendo unha tipoloxía similar a algunha das razas anteriormente descritas.

- d) Cans que manifesten unha marcada agresividade natural ou inducida mediante adestramento, malos tratos ou calquera outro medio. A dita agresividade será apreciada pola autoridade competente da Consellería de Medio Ambiente, de oficio ou logo de notificación ou denuncia, e logo de informe dun adestrador ou veterinario designado para o efecto.

## CAPÍTULO II.—DA LICENCIA MUNICIPAL

### Artigo 3º.—Licencia Municipal

1.—A tenza de animais potencialmente perigosos requirirá a obtención, con carácter previo á adquisición do animal, da correspondente licencia municipal, que se expedirá no concello de residencia habitual do propietario.

2.—Nos supostos previstos no apartado 2.a) do artigo 2º, o titular do can disporá do prazo dun mes para solicitar a licencia administrativa, a contar desde a resolución dictada para tales efectos.

3.—Nos supostos previstos no apartado 2.d) do artigo 2, o concello comunicará os feitos á autoridade competente da Consellería de Medio Ambiente, xuntando os informes esixidos no dito apartado, debidamente motivados. No caso de que se dictara resolución apreciando agresividade, o titular disporá do prazo dun mes, a contar desde a súa notificación, para solicitar a licencia administrativa.

### Artigo 4º.—Órgano competente para a concesión da Licencia

Tramitado o expediente conforme ó disposto na Lei 30/1992, do 26 de novembro, de réxime xurídico das administracións públicas e do procedemento administrativo común modificada pola Lei 4/1999, do 13 de xaneiro, concederase a licencia e o número correspondente da mesma, mediante resolución do órgano que teña atribuída a competencia.

### Artigo 5º.—Requisitos e documentación para a obtención da licencia municipal

1.—Para a obtención da licencia municipal será necesario o cumprimento dos seguintes requisitos:

- a) Ser maior de idade.  
Acreditarase mediante fotocopia compulsada do D.N.I. ou do pasaporte.
- b) Non ter sido condenado por delitos de homicidio, lesións, torturas, contra a liberdade ou contra a integridade moral, a liberdade sexual e a saúde pública, de asociación con banda armada ou de narcotráfico, así como non estar privado por resolución xudicial do dereito á tenza de animais potencialmente perigosos.  
Acreditarase mediante certificado de antecedentes penais.
- c) Non ter sido sancionado por infraccións graves ou moi graves con algunha das sancións accesorias das previstas no apartado 3 do artigo 13 da Lei 50/1999, do 23 de decembro, sobre o réxime xurídico

da tenza de animais potencialmente perigosos. Non obstante, non será impedimento para a obtención ou, no seu caso, renovación da licencia, ter sido sancionado coa suspensión temporal da mesma, sempre que, no momento da solicitude, a sanción de suspensión anteriormente imposta fora cumprida integramente.

Acreditarase mediante certificado negativo expedido pola Consellería de Medio Ambiente.

- d) Dispoñer de certificado de capacidade física e aptitude psicolóxica para a tenza de animais potencialmente perigosos, expedido polo director dun centro médico-psicotécnico debidamente autorizado, conforme a normativa que sexa de aplicación.
- e) Acreditación de ter formalizado un seguro de responsabilidade civil por danos a terceiros que poida causa-lo animal, cunha cobertura mínima de 125.000 Euros. Este seguro deberá renovarse anualmente. Haberá un seguro por cada animal. Unha persoa con licencia pode ter varios animais potencialmente perigosos, pero cada un cuberto por un seguro en cuantía non inferior a 125000 euros nos termos arriba expostos.

—Acreditarase mediante presentación de copia compulsada da póliza de seguro claramente detallada ou certificado da compañía aseguradora.

### Artigo 6º.—Vixencia e Renovación das licencias

1.—As licencias terán unha vixencia de cinco anos. Trascorrido este periodo deberán ser obxecto de renovación, por periodo de igual duración, mediante a presentación da mesma documentación esixida para á súa obtención e sinalada no artigo anterior.

2.—A licencia perderá a súa vixencia no momento no que o seu titular deixe de cumprir calquera dos requisitos establecidos no artigo anterior.

### Artigo 7º.—Acreditación da licencia

A tenencia da licencia municipal acreditarase mediante a entrega dunha certificación da resolución do expediente administrativo iniciado a solicitude do interesado ou a través de calquer outro medio legal que garante que se lle outorgou a licencia, ou mediante a entrega dunha tarxeta acreditativa expedida polo concello, onde se fagan constar os seguintes datos:

- Número de licencia municipal.
- Data de resolución do expediente de solicitude da licencia.
- Data de caducidade da vixencia da licencia.
- Nome e apelidos do titular.
- D.N.I. do titular.
- Enderezo do titular.
- Fotografía actualizada do titular.
- Selo do concello.
- Firma do funcionario encargado

Para acreditar que se ten licencia municipal pode facerse indistintamente coa tarxeta acreditativa expedida polo concello ou mediante certificado da resolución ou calquer outro medio legal que garante que se lle outorgou. En todo caso o titular coa certificación da resolución que se lle otorgue a licencia entregaraselle a tarxeta acreditativa expedida polo concello cos datos arriba expostos.

*Artigo 8º.—Revisión e Revogación da licenzia*

1.—Calquera variación dos datos que figuran na licenzia deberá ser comunicada polo seu titular no prazo de 15 días, contados desde a data en que se produza, ó órgano competente do concello ó que corresponda a súa expedición, para que se proceda a realiza-la revisión correspondente.

2.—A perda polo titular de calquera dos requisitos esixidos no artigo 5º, dará lugar á revogación da licenzia municipal outorgada, previa tramitación de expediente contradictorio.

A revogación da licenzia dará lugar á perda do dereito á tenza do animal. O propietario procederá, no prazo máximo de quince días, á entrega do animal a un novo propietario que posúa licenzia en vigor. De non atoparse un novo propietario no prazo referido, farase entrega do animal no centro de recollida de animais vagabundos ou abandonados dependente do concello, respectando en todo momento o disposto na Lei 1/1993, do 13 de abril, e nos artigos 53 ó 60 do Decreto 153/1998, do 2 de abril, que a desenvolve.

## CAPÍTULO III.—DO REXISTRO MUNICIPAL

*Artigo 9º.—Rexistro Municipal de Animais Potencialmente Perigosos*

1.—Créase o Rexistro Municipal de Animais Potencialmente Perigosos, no que se inscribirán os animais potencialmente perigosos que teñan a súa residencia habitual no concello.

2.—O Rexistro terá un tratamento informatizado, no que se farán constar, de conformidade co disposto no artigo 4.2 do Decreto 90/2002, do 28 de febreiro, como mínimo, os seguintes datos:

## Datos do animal:

- Número de microchip.
- Nome do animal.
- Especie.
- Raza (no caso de cans).
- Sexo.
- Características externas (descrición da capa, tipo e cor da pel, etc..).
- Data de nacemento.
- Aptitude (función do animal): compañía, garda, defensa, caza, etc..
- Causa de inclusión no rexistro (sinalar supostos do artigo 2.2 do Decreto 90/2002).
- Enderezo habitual do animal.
- Data de adquisición do animal.
- Forma de adquisición do animal (cría, doazón, traspaso, venda, outras: especificar).
- Observacións.

## Datos do propietario, posuidor ou tenedor:

- D.N.I.
- Apelidos.
- Nome.
- Enderezo habitual.
- Teléfonos de contacto.
- Licenzia administrativa: número de licenzia, data de expedición e concello de expedición.

2.—A identificación definitiva con microchip dos animais potencialmente perigosos é obrigatoria sen excepcións.

2.—O Rexistro Municipal de Animais Potencialmente Perigosos é un rexistro de carácter público, ó que terán acceso as Administracións Públicas e autoridades com-

petentes, así como aquelas persoas físicas ou xurídicas que acrediten ter interese lexítimo no coñecemento dos datos obrantes no mesmo. En todo caso, o uso e tratamento dos datos contidos no Rexistro será conforme ó disposto na Lei Orgánica 15/1999, de protección de datos personais.

*Artigo 10º.—Inscrición no Rexistro*

1.—Os titulares da licenzia administrativa están obrigados a efectua-la inscrición do animal no Rexistro Municipal do concello de residencia habitual do animal, no prazo de 15 días contados a partir da obtención da licenzia, tal e como se recolle no artigo 6.2º da Lei 50/1999, do 23 de decembro, e no artigo 4.1º do Decreto 90/2002, do 28 de febreiro.

2.—Tamén será obrigatoria, a instancia do propietario, a inscrición do animal no Rexistro Municipal do concello correspondente cando se efectúe o seu traslado dun concello a outro por período superior a tres meses.

3.—Conforme se dispón no artigo 4.3º do Decreto 90/2002, do 28 de febreiro, os datos recollidos no rexistro municipal serán remitidos á Consellería de Medio Ambiente, no prazo máximo de 15 días, contados desde o momento da inscrición dun animal potencialmente perigoso.

*Artigo 11º.—Acreditación da inscrición no Rexistro Municipal de Animais Potencialmente Perigosos*

A inscrición no rexistro acreditarase mediante a entrega dunha certificación da resolución do expediente administrativo iniciado a solicitude do interesado ou a través de calquer outro medio legal que garantice que que está inscrito, ou mediante entrega dunha tarxeta acreditativa, tamaño carnet, expedida polo concello, onde se fagan constar os seguintes datos:

- Número do microchip e data de alta do animal no rexistro municipal.
- Nome, especie, raza, sexo, capa e data de nacemento do animal.
- Enderezo do animal.
- Nome, apelidos do propietario.
- Licenzia do propietario (número, data de expedición, concello).
- DNI do propietario.
- Selo municipal
- Firma do funcionario encargado

Para acreditar que esta inscrito no rexistro pode facerse indistintamente coa tarxeta acreditativa expedida polo concello ou mediante certificado da resolución ou calquer outro medio legal que garantice que se lle otorgou. En todo caso o titular coa certificación da resolución que se lle otorgue a licenzia entregaraselle a tarxeta acreditativa expedida polo concello cos datos arriba expostos.

*Artigo 12º.—Baixa no Rexistro Municipal de Animais Potencialmente Perigosos*

1.—A baixa no Rexistro Municipal de Animais Potencialmente Perigosos efectuarase a instancia do interesado, previa acreditación da morte do animal (esta última certificada por veterinario ou autoridade competente).

2.—Igualmente procederáse á baixa no Rexistro no caso de traslado de residencia habitual do animal a municipio distinto, que así quede acreditado a instancia do interesado. Neste caso o propietario deberá dar de alta ó animal no novo concello de residencia.

3.—A perda ou sustracción do animal, por un prazo superior a tres meses, considerarase baixa definitiva do animal no Rexistro.

3.—Farase constar no Rexistro como de titularidade municipal aqueles animais depositados no centro de recollida de animais vagabundos ou abandonados dependente do concello, como consecuencia da recollida dos mesmos da vía pública, que carezan de dono ou que sendo este identificado non o reclamase no prazo de 10 días do aviso efectuado, conforme o previsto no artigo 53 do Decreto 153/1998, do 2 de abril. Así mesmo, constarán como de titularidade municipal os que foran obxecto de decomiso definitivo ó propietario.

*Artigo 13º.—Comunicacións do propietario de animal ó Rexistro Municipal de Animais Potencialmente Perigosos*

1.—O propietario do animal deberá comunicar ó Rexistro calquera variación dos datos que figuran nel, no prazo de 15 días desde que se producise a modificación.

2.—Deberá comunicarse ó rexistro municipal a venda, traspaso ou doazón do animal.

3.—Calesquera incidentes producidos por animais potencialmente perigosos ó longo da súa vida, coñecidos polas autoridades administrativas ou xudiciais, faranse constar na folla rexistral de cada animal, tal e como se recolle no artigo 6.4º da Lei 50/1999, do 23 de decembro. No caso de agresións recollerase, como mínimo, a seguinte información: data da denuncia, descrición dos feitos e consecuencias xurídicas.

4.—A sustracción ou perda do animal deberá ser comunicada polo titular do animal ó Rexistro Municipal, no prazo máximo de 48 horas desde que se teña coñecemento destes feitos, tal e como se recolle no artigo 8.6º do RD 287/2002, do 22 de marzo.

5.—Os propietarios de animais potencialmente perigosos deberán comunicar ó Rexistro a realización de castración ou esterilización do animal, se esta se producise, remitindo copia da certificación veterinaria correspondente que acredite este feito.

#### CAPÍTULO IV

*Artigo 14º.—Sección Local do Rexistro Galego de Identificación de Animais de Compañía e Potencialmente Perigosos (REGIAC)*

1.—Ó amparo dos principios de lealdade institucional, cooperación e colaboración previstos no artigo 4º da Lei 30/1992, do 26 de novembro, crease a Sección Local do Rexistro Galego de Identificación de Animais de Compañía e Potencialmente Perigosos, que nutrirase cos datos remitidos polo REGIAC, dependente da Consellería de Medio Ambiente.

#### CAPÍTULO V

*Artigo 15º.—Censo municipal de todo tipo de cans*

2.—De acordo co artigo 27 do Decreto 153/1998, crease o censo municipal de todo tipo de cans, no que se terán que inscribir tódolos cans que teñan a residencia habitual no Concello, aínda que sexa potencialmente perigosos. Un can potencialmente perigoso ten que estar inscrito no rexistro de animais potencialmente perigosos e no censo municipal de cans.

3.—Para acceder o censo municipal de todo tipo de cans, terá que presentar os seguintes datos:

- a) datos que identifiquen o can, que será o nº de microchip
- b) Identificación do propietario a través da fotocopia compulsada do DNI, e domicilio do propietario
- c) Nome do animal
- d) Raza do can.
- e) Sexo
- f) Características externas do can (descrición da capa, tipo de cor) .
- g) enderezo do animal
- h) Data de nacemento do animal.
- i) Calquer outro que esixa a normativa en cada momento.

4.—A acreditación de estar inscrito no censo municipal de todo tipo de cans, acreditarase mediante a entrega dunha certificación da resolución do expediente administrativo iniciado a solicitude do interesado ou a través de calquer outro medio legal que garantice que está inscrito, ou mediante entrega dunha tarxeta acreditativa expedida polo concello, onde se fagan constar os seguintes datos, e mediante unha tarxeta acreditativa, na que fará constar:

- 1- Nº de microchip e data de alta do animal no censo municipal
- 2- Nome, apelidos do propietario.
- 3- Nome, raza, sexo, capa e data de nacemento do animal
- 4- Enderezo do animal
- 5- Selo do concello
- 6- Firma do funcionario encargado

5.—Para acreditar que esta inscrito no censo municipal de todo tipo de cans pode facerse indistintamente coa tarxeta acreditativa expedida polo concello ou mediante certificado da resolución ou calquer outro medio legal que garantice que se lle otorgou. En todo caso o titular coa certificación da resolución que se lle otorgue a licenza entregaraselle a tarxeta acreditativa expedida polo concello cos datos arriba expostos.

*Artigo 16º.—Baixa no censo municipal de todo tipo de cans*

1.—A baixa no censo municipal de todo tipo de cans efectuarase a instancia do interesado, previa acreditación da morte do animal (esta última certificada por veterinario ou autoridade competente).

2.—Igualmente procederase á baixa no Censo municipal de todo tipo de cans no caso de traslado de residencia habitual do animal a municipio distinto, que así quede acreditado a instancia do interesado. Neste caso o propietario deberá dar de alta ó animal no novo concello de residencia.

3.—A perda ou sustracción do animal, por un prazo superior a tres meses, considerarase baixa definitiva do animal no Censo municipal de todo tipo de cans.

*Artigo 17º.—Comunicacións do propietario de animal ó Censo Municipal de todo tipo de Cans*

1- O propietario do animal deberán comunicar ó Censo Municipal de todo tipo de cans as variacións dos datos no prazo de 15 días.

2- En caso de sustracción ou perda do animalo deberá ser comunicada polo titular do animal no prazo de 48 horas dende que teña coñecementos de tales feitos.

## CAPÍTULO VI

*Artigo 18º.—Circulación e permanencia dun can potencialmente perigoso en vías públicas e locais*

1.—Os propietarios, criadores ou tedores deberán manter os animais que estean baixo a súa custodia en axeitadas condicións hixiénico-sanitarias e cos coidados e atencións necesarios de acordo coas necesidades fisiolóxicas e características propias da especie ou raza do animal, en cumprimento da Lei 1/1993, do 13 de abril e do Decreto 153/1998, do 2 de abril, en concreto nos seus capítulos IV, VII e X.

2.—A presenza de animais potencialmente perigosos en lugares ou espazos públicos esixirá que a persoa que os conduza acredite ter a licenza municipal e a acredite estar inscrito o animal no Rexistro Municipal de Animais Potencialmente Perigosos.

3.—Os cans potencialmente perigosos, en lugares e espazos públicos, deberán levar obrigatoriamente buceiro apropiado para a tipoloxía racial de cada animal.

4.—Os cans potencialmente perigosos deberán ser conducidos e controlados con cadea ou correa non extensible de menos de 2 metros, sen que poida levarse máis dun destes cans por persoa.

## CAPÍTULO VII

*Artigo 19º. Cans potencialmente perigosos abandonados ou vagabundos*

1.—A administración local é responsable da recollida e mantemento dos animais vagabundos ou abandonados, segundo se recolle no artigo 11.1º da Lei 1/1993, do 13 de abril, e no artigo 54º do Decreto 153/1998, do 2 de abril.

2.—Os animais recollidos serán trasladados e mantidos en centros de recollida de animais vagabundos ou abandonados autorizados e rexistrados. As instalacións destinadas a albergar cans potencialmente perigosos deberán reuni-las medidas de seguridade necesarias para evita-las fuxidas sen producir danos ós animais.

3.—Os prazos de estadia previstos serán os que se dan para tódolos individuos da especie canina e que veñen reflectidos nos artigos 53, 57 e 58 do Decreto 153/1998, do 2 de abril.

4.—Estes animais poderán ser cedidos en adopción sempre e cando o novo propietario posúa a licenza administrativa correspondente, e o can supere as probas de socialización que demostren que o animal non é perigoso para a seguridade das persoas.

## CAPÍTULO VIII.—INFRACCIÓNS E SANCIÓNS

*Artigo 20º.—Infraccións*

1.—En materia de infraccións e sancións rexerá o disposto na Lei 50/1999, do 23 de decembro, sobre réxime xurídico da tenza de animais potencialmente perigosos e na Lei 1/1993, do 13 de abril, de protección de animais domésticos e salvaxes en cativeiro.

2.—As infraccións que se cometan clasifícanse como moi graves, graves e leves.

3.—Terán a consideración de infraccións administrativas moi graves as previstas no artigo 13.1º da Lei 50/1999, do 23 de decembro, así como as establecidas no artigo 22º da Lei 1/1993, do 13 de abril.

4.—Terán a consideración de infraccións administrativas graves as previstas no artigo 13.2º da Lei 50/1999, do 23 de decembro, así como as establecidas no artigo 21º da Lei 1/1993, do 13 de abril.

5.—Son infraccións administrativas leves as previstas no artigo 13.4º da Lei 50/1999, do 23 de decembro, así como as establecidas no artigo 20º da Lei 1/1993, do 13 de abril.

*Artigo 21º.—Sancións*

1.—As infraccións tipificadas no artigo anterior serán sancionadas con multas con contías que serán as fixadas no artigo 13.5º da Lei 50/1999, do 23 de decembro, e no artigo 24º da Lei 1/1993, do 13 de abril.

2.—En todo caso, as infraccións graves e moi graves tipificadas no artigo anterior desta Ordenanza, poderán levar aparelladas como sancións accesorias a confiscación, decomiso, esterilización ou sacrificio dos animais potencialmente perigosos, a clausura do establecemento e a suspensión temporal ou definitiva da licenza de animais potencialmente perigosos ou do certificado de capacitación do adestrador.

*Artigo 22º.—Responsable*

Considéranse responsables das infraccións os que por acción ou omisión participaran na comisión das mesmas, o propietario ou tenedor dos animais ou, no seu caso, o titular do establecemento, local ou medio de transporte no que se produzan os feitos, e neste último suposto, aseme, o encargado do transporte.

*Artigo 23º.—Procedemento sancionador*

O procedemento sancionador aplicable rexerá polo establecido na Lei 50/1999, do 23 de decembro, a Lei 1/1993, do 13 de abril, así como a Lei 30/1992, do 26 de novembro e as normas que as desenvolven.

*Artigo 24º.—Exercicio da Potestade Sancionadora*

1.—Os órganos competentes para sancionar, de acordo cos artigos 24.2º da Lei 1/1993, do 13 de abril, serán:

- a) Por infraccións leves, o Alcalde.
- b) Por infraccións graves, o Director Xeral de Conservación da Natureza da Consellería de Medio Ambiente.
- c) Por infraccións moi graves, o Conselleiro de Medio Ambiente.

2.—A incoación e tramitación dos expedientes polas infraccións tipificadas como leves correspóndelle ó Concello. Non obstante, o Alcalde poñerá en coñecemento, de xeito que faga fe, do Director Xeral de Conservación da Natureza da Consellería de Medio Ambiente, toda acción ou omisión que poida ser tipificable como infracción grave ou moi grave.

3.—Cando as circunstancias de perigo así o aconsellen, o Alcalde poderá proceder á retirada ou custodia dun animal potencialmente perigoso, a cargo do propietario, como medida de carácter provisional durante a tramitación dun expediente sancionador.

## DISPOSICIÓN FINAL

A presente Ordenanza entrará en vigor coa súa publicación íntegra no Diario Oficial correspondente e transcurso do prazo establecido ó artigo 65.2 da Lei 7/1985, do 2 de abril, continuando en vigor ata a súa derogación polo Concello

Cangas, 15 de decembro do 2003.—O Alcalde,  
José Enrique Sotelo Villar. 9918